

**N**on est, vt chordis, non est concentus in esca  
Multiplici, non est cur variare velis.  
Quàm grauis est patriæ miserandæ causa ruinæ,  
Cum plebs, cum patres seditione strepunt:  
Tam grauis est stomacho discordia causa pericli,  
Cum leue cum durum consociare paras.  
Si varium Bacchum, per se coelestia dona,  
Exhauris, sensus ebrietate grauas:  
Sic pondus pigros premit intolerabile ventres,  
Vnà dissimiles iniiciendo dapes.  
Digeritur facilis, grauior putrescit: vtérq;  
Noxius, hic vltus, crudior ille manet.  
Fama refert in equo, quem credula Troia recepit,  
Vnanimes tutò delituisse duces:  
Haud tamen infensam potuit cum coniuge miti,  
Socrate, Xantippen vna tenere domus.  
Sic si quis mensas epulis instruxerit vnis,  
Ille salutiferas conficit ab sq; malo:  
At qui magnifico celebrat conuiuia luxu,  
In stomacho turbas vel meliore ciet.  
Nam fit delicijs rudis indigestaq; moles,  
Vel quòd edis supra suauia quæq; modum:  
Vel quòd (vt imponat finem moderatio iustum)  
Aduersi succi bella timenda gerunt,  
Quos, seu concretam varijs de gentibus urbem,  
Maximus est firma pace ligare labor.  
Vt sine morte potens triplicem superare Chimæram,  
Vix vnus Glauci filius ipse potest:  
Sic alimenta graui vincet contraria damno,  
Vincere si calidi vis generosa valet.  
Vita, valetudo, vires discrimine tanto,  
Nescio quòd metuunt exitiale malum.  
Anne bonus patina simul accumulabit eadem  
Murmura, quæ multum sunt aliena, coquus?  
Impeper, piscem, vituli cum carne ferinam,  
Pernam, perdic es, zinziber, oua, nuces?  
Confuse patina feruum miscere putat?  
Ac aluo dominum non pudet ista suum?  
Non pudor est. Mos est. Tamen ista timere necesse est,  
Omnibus est gladijs plus metue da gula.  
Facetenim natura dolet, cadit, æstuat, alget,  
Hæret, & in triuio, qua queat ire, stupet.  
Vt cui plura simul peragenda negotia restant,  
Nescit quòd primum perficiatur opus  
Ac alternatim poterat quæ singula, linqrit  
Cuncta simul. Murum vis sociata iuuat,  
Ad distracta vijs varijs intentaq; rebus  
Pluribus est longè, in soler, minor.

*Integra, quotquot  
licere cibo.*

**N**escio quæ multos deceptit opinio, multo  
Credunt se morbos pellere posse cibo.  
Quæ possunt igitur bellaria cunq; parari,  
Obtrudunt, sanguis cui vitiatu inest.  
Quin bibis, & comedis? Quin te, charissime, seruas?  
Hoc vnum quasi sit, multa vorare satis.  
Omnibus est aliquid, ne vis cadat omnis, edendum:  
Sed tamen impuris copia sumpta nocet.  
Materiemne vides proprijs temerare venenis  
Hanc illam, veterem contaminare nouam?  
Sic mellita magis reddit magis acria bilis,  
Quicquid edit serpens, id citò virus erit.  
Vberiorem seges, quo perniciosior omnis  
Quàm bona, si nutris fertilitate viget:  
Pingue minus rapidis oleum superadde caminis,  
Vulcani multò sæuior ira furit:  
Da nummos homini, qui multa recondidit, auri  
Incipiet magis hunc vrere sacra fames:  
Et licet ad mentum medio sit in amne, quis vnquam  
Hydrops extinguet plura bibendo sitim?  
Adde quòd humor iners contactu polluit ipso,  
Haud secus ac dulces inficit æquor aquas.  
Peioremne putas meliori cedere? Vires  
Auget, & appositum sub ditione tenet.  
Instar & est dominæ, quæ fraude tyrannide parta  
Omnia deprauans imperiosa regit.  
Cumq; cibus primum descendit in intima gratus  
Hunc rapit, hunc subigit degenerare statim.  
Vt qui saxificæ spectabant ora Medusæ,  
Attoniti miris diriguere modis:  
Vertit vt in fuluum diuesq; miserq; metallum,  
Quæ manibus potuit tangere cuncta Midas:  
Cogitur vt misto lac & coalescit aceto:  
Lædit vt insipido vappa sapore merum:  
Haud secus humorem, quæcunq; receperis intus  
Pabula, corruptum qui dominatur, alunt.  
Namq; valent pauci multos superare, viritim  
Obuius hic illo si pereunte, venit.  
Cumq; minutatim cæca conduntur in aluo  
Singula, vincendi copia nulla datur.  
Flumine vasa lauas, (laudo quoq;) namq; liquores  
Mutabit suaues inueteratus odor.  
Exoneranda malo succo sunt viscera, tandem  
Audebis tutò suppeditare nouum.  
Euacuare times? Licet attenuare coquendo,  
Dum ratio cupidas abstinet ore manus:  
Dumq; salutaris Medicina refrigerat æstum,  
Ne mala putrescant feruidiora situ.

*Quantò igitur magis impuris alimenta ministras  
Corporibus, tantò deteriora facis.*